



Llywodraeth Cymru
Welsh Government

DATGANIAD YSGRIFENEDIG GAN LYWODRAETH CYMRU

TEITL Rheoliadau Rheolaethau Swyddogol (Anifeiliaid, Bwyd Anifeiliaid a Bwyd, Iechyd Planhigion etc.) (Diwygio) (Ymadael â'r UE) (Rhif 2) 2020

DYDDIAD 05 Ionawr 2021

GAN Rebecca Evans AS, Y Gweinidog Cyllid a'r Trefnydd

SO30C – OS a osodir gerbron y Senedd sy'n diwygio deddfwriaeth mewn maes datganoledig

Rheoliadau Rheolaethau Swyddogol (Anifeiliaid, Bwyd Anifeiliaid a Bwyd, Iechyd Planhigion etc.) (Diwygio) (Ymadael â'r UE) (Rhif 2) 2020 ("Rheoliadau 2020")

Mae Rheoliadau 2020 yn diwygio'r ddeddfwriaeth ganlynol:

Deddfwriaeth uniongyrchol yr UE a ddargedwir

- Rheoliad Gweithredu'r Comisiwn (EU) 2019/66 ar reolau ynghylch trefniadau ymarferol unffurf ar gyfer cyflawni rheolaethau swyddogol ar blanhigion, cynhyrchion planhigion a gwrthrychau eraill er mwyn gwirio cydymffurfedd â rheolau'r Undeb ar fesurau i ddiogelu rhag plâu planhigion sy'n gymwys i'r nwyddau hynny
- Rheoliad Dirprwyedig y Comisiwn (EU) 2019/624 ynghylch rheolau penodol ar gyfer cyflawni rheolaethau swyddogol ar gynhyrchu cig ac ar gyfer ardaloedd cynhyrchu ac ailddodi molysgiaid dwyragennog byw yn unol â Rheoliad (EU) 2017/625 Senedd Ewrop a'r Cyngor
- Rheoliad Dirprwyedig y Comisiwn (EU) 2019/625 sy'n ategu Rheoliad (EU) 2017/625 Senedd Ewrop a'r Cyngor o ran gofynion ar gyfer mynediad i'r Undeb i lwythi o anifeiliaid a nwyddau penodol a fwriedir i'w bwyta gan bobl
- Rheoliad Gweithredu'r Comisiwn (EU) 2019/626 ynghylch rhestrau o drydydd gwledydd neu ranbarthau o'r trydydd gwledydd hynny sydd wedi eu hawdurdodi ar gyfer mynediad i anifeiliaid a nwyddau penodol a fwriedir i'w bwyta gan bobl i'r

Undeb Ewropeaidd, sy'n diwygio Rheoliad Gweithredu (EU) 2016/759 o ran y rhestrau hyn

- Rheoliad Gweithredu'r Comisiwn (EU) 2019/627 sy'n gosod trefniadau ymarferol unffurf ar gyfer cyflawni rheolaethau swyddogol ar gynhyrchion sy'n dod o anifeiliaid a fwriedir i'w bwyta gan bobl yn unol â Rheoliad (EU) 2017/625 Senedd Ewrop a'r Cyngor ac sy'n diwygio Rheoliad y Comisiwn (EC) Rhif 2074/2005 o ran rheolaethau swyddogol
- Rheoliad Gweithredu'r Comisiwn (EU) 2019/628 ynghylch tystysgrifau swyddogol enghreifftiol ar gyfer anifeiliaid a nwyddau penodol ac sy'n diwygio Rheoliad (EC) Rhif 2074/2005 a Rheoliad Gweithredu (EU) 2016/759 o ran y tystysgrifau enghreifftiol hyn
- Rheoliad Dirprwyedig y Comisiwn (EU) 2019/1012 sy'n ategu Rheoliad (EU) 2017/625 Senedd Ewrop a'r Cyngor drwy randdirymu'r rheolau ar gyfer dynodi manau rheoli a'r gofynion sylfaenol ar gyfer safleoedd rheoli ar y ffin
- Rheoliad Gweithredu'r Comisiwn (EU) 2019/1014 i osod rheolau manwl ar gyfer y gofynion sylfaenol ar gyfer safleoedd rheoli ar y ffin, gan gynnwys canolfannau arolygu, ac ar gyfer y fformat, y categorïau a'r byrfoddau i'w defnyddio wrth restru safleoedd rheoli ar y ffin a manau rheoli
- Rheoliad Dirprwyedig y Comisiwn (EU) 2019/1081 sy'n sefydlu rheolau ar ofynion hyfforddi penodol ar gyfer staff er mwyn cynnal archwiliadau ffisegol penodol mewn safleoedd rheoli ar y ffin
- Rheoliad Gweithredu'r Comisiwn (EU) 2019/1715 sy'n gosod rheolau ar gyfer gweithrediad y system rheoli gwybodaeth ar gyfer rheolaethau swyddogol a chydannau ei system ("Rheoliad SRhGRhS")
- Rheoliad Gweithredu'r Comisiwn (EU) 2019/1793 ar gynyddu dros dro reolaethau swyddogol a mesurau brys sy'n rheoli mynediad i'r Undeb i nwyddau penodol o drydydd gwledydd penodol sy'n gweithredu Rheoliadau (EU) 2017/625 ac (EC) Rhif 178/2002 Senedd Ewrop a'r Cyngor ac yn diddymu Rheoliadau'r Comisiwn (EC) Rhif 669/2009, (EU) Rhif 884/2014, (EU) 2015/175, (EU) 2017/186 ac (EU) 2018/1660
- Rheoliad Dirprwyedig y Comisiwn (EU) 2019/2074 sy'n ategu Rheoliad (EU) 2017/625 Senedd Ewrop a'r Cyngor o ran rheolau ynghylch rheolaethau swyddogol penodol ar lwythi o anifeiliaid a nwyddau penodol sy'n dod o'r Undeb ac sy'n dychwelyd iddo ar ôl i drydedd wlad wrthod mynediad iddynt
- Penderfyniad Gweithredu'r Comisiwn (EU) 2019/2098 ynghylch gofynion iechyd anifeiliaid dros dro ar gyfer llwythi o gynhyrchion sy'n deillio o anifeiliaid i'w bwyta gan

bobl sy'n dod o'r Undeb ac sy'n dychwelyd iddo ar ôl i drydedd wlad wrthod mynediad iddynt

- Rheoliad Dirprwyedig y Comisiwn (EU) 2019/2123 sy'n ategu Rheoliad (EU) 2017/625 Senedd Ewrop a'r Cyngor ynghylch rheolau ar gyfer yr achosion lle y gellir cynnal gwiriadau adnabod ac archwiliadau ffisegol ar nwyddau penodol mewn mannau rheoli ac y gellir cynnal gwiriadau dogfennol ar bellter o safleoedd rheoli ar y ffin ac ar gyfer yr amodau y gellir cynnal gwiriadau/archwiliadau o'r fath oddi tanynt
- Rheoliad Dirprwyedig y Comisiwn (EU) 2019/2124 sy'n ategu Rheoliad (EU) 2017/625 Senedd Ewrop a'r Cyngor ynghylch rheolau ar gyfer rheolaethau swyddogol ar lwythi o anifeiliaid a nwyddau sy'n cael eu cludo, eu trawslwytho a'u cludo ymlaen drwy'r Undeb, ac yn diwygio Rheoliadau'r Comisiwn (EC) Rhif 798/2008, (EC) Rhif 1251/2008, (EC) Rhif 119/2009, (EU) Rhif 206/2010, (EU) Rhif 605/2010, (EU) Rhif 142/2011, (EU) Rhif 28/2012, Rheoliad Gweithredu'r Comisiwn (EU) 2016/759 a Phenderfyniad y Comisiwn 2007/777/EC
- Rheoliad Dirprwyedig y Comisiwn (EU) 2019/2125 sy'n ategu Rheoliad (EU) 2017/625 Senedd Ewrop a'r Cyngor ynghylch cyflawni rheolaethau swyddogol penodol ar ddeunydd pecynnu pren, hysbysu am lwythi penodol a chamau i'w cymryd mewn achosion o ddiffyg cydymffurfedd
- Rheoliad Dirprwyedig y Comisiwn (EU) 2019/2126 sy'n ategu Rheoliad (EU) 2017/625 Senedd Ewrop a'r Cyngor ynghylch rheolau ar gyfer rheolaethau swyddogol penodol ar gyfer categorïau penodol o anifeiliaid a nwyddau, camau i'w cymryd ar ôl cyflawni rheolaethau o'r fath a chategorïau penodol o anifeiliaid a nwyddau sydd wedi'u heithrio rhag rheolaethau swyddogol mewn safleoedd rheoli ar y ffin
- Rheoliad Gweithredu'r Comisiwn (EU) 2019/2128 sy'n sefydlu'r dystysgrif swyddogol enghreifftiol a'r rheolau ar gyfer rhoi tystysgrifau swyddogol ar gyfer nwyddau a ddsberthir i longau sy'n gadael yr Undeb ac y bwriedir iddynt gyflenwi llong neu gael eu bwyta gan y criw a theithwyr, neu fynd i un o orsafoedd milwrol NATO neu Unol Daleithiau America
- Rheoliad Gweithredu'r Comisiwn (EU) 2020/1540 sy'n diwygio Rheoliad Gweithredu (EU) 2019/1793 ynghylch hadau sesamwm sy'n dod o India
- Rheoliad Gweithredu'r Comisiwn (EU) 2020/1641 ynghylch mewnfario molysgiaid dwyragennog, ecinodermiaid, tiwnigogion a boldroediaid byw, oer, wedi'u rhewi neu wedi'u prosesu, i'w bwyta gan bobl o Unol Daleithiau America

Deddfwriaeth uniongyrchol yr UE a ddargedwir sy'n cael ei dirymu gan Reoliadau 2020

- Rheoliad y Comisiwn (EC) Rhif 1756/2004 sy'n nodi'r amodau manwl ar gyfer y dystiolaeth sydd ei hangen a'r meini prawf ar gyfer y math o archwiliadau iechyd planhigion sydd angen eu cynnal ar gyfer planhigion a chynhyrchion planhigion penodol neu wrthrychau penodol eraill a restrir yn Rhan B o Atodiad V i Gyfarwyddeb y Cyngor 2000/29/EC a lefel y lleihad mewn archwiliadau o'r fath;
- Rheoliad Gweithredu'r Comisiwn (EU) 2019/723 sy'n gosod rheolau ar gyfer cymhwyso Rheoliad (EU) 2017/625 Senedd Ewrop a'r Cyngor o ran y ffurflen enghreifftiol safonol i'w defnyddio yn yr adroddiadau blynyddol a gyflwynir gan Aelod-wladwriaethau
- Penderfyniad Gweithredu'r Comisiwn (EU) 2020/1550 sy'n sefydlu'r rhaglen amlflwydd o reolaethau ar gyfer y cyfnod rhwng 2021 a 2025 i'w chyflawni gan arbenigwyr y Comisiwn yn yr Aelod-wladwriaethau er mwyn cadarnhau bod deddfwriaeth yr Undeb ynglŷn â'r gadwyn bwyd-amaeth yn cael ei gweithredu.

Deddfwriaeth ddomestig

- Rheoliadau'r Fasnach mewn Anifeiliaid a Chynhyrchion Perthynol 2011
- Rheoliadau Meddyginiaethau Milfeddygol 2013
- Rheoliadau Bwyd Anifeiliaid (Diwygio) (Ymadael â'r UE) 2019
- Rheoliadau Rheolaethau Swyddogol (Anifeiliaid, Bwyd Anifeiliaid a Bwyd, Ffioedd Iechyd Planhigion etc.) 2019
- Rheoliadau Iechyd Anifeiliaid Dyfrol ac Iechyd Planhigion (Swyddogaethau Deddfwriaethol) (Ymadael â'r UE) 2019
- Rheoliadau Hylendid a Diogelwch Bwyd a Bwyd Anifeiliaid (Diwygiadau Amrywiol etc.) (Ymadael â'r UE) 2020
- Rheoliadau Iechyd Planhigion (Diwygio etc.) (Ymadael â'r UE) 2020
- Rheoliadau Iechyd Planhigion (Amodau Ffytoiechydol) (Diwygio) (Ymadael â'r UE) 2020
- Rheoliadau Rheolaethau Swyddogol (Anifeiliaid, Bwyd Anifeiliaid a Bwyd, Iechyd Planhigion etc.) (Diwygio) (Ymadael â'r UE) 2020
- Rheoliadau Mewnforio a Masnachu Anifeiliaid a Chynhyrchion Anifeiliaid (Diwygiadau Amrywiol) (Ymadael â'r UE) 2020

Unrhyw effaith y gall yr OS ei chael ar gymhwysedd deddfwriaethol y Senedd a/neu gymhwysedd gweithredol Gweinidogion Cymru

Mae Rheoliadau 2020 yn trosglwyddo swyddogaethau anneddfwriaethol i'r 'awdurdodau cymwys' hynny sydd wedi'u dynodi felly ar gyfer Cymru, yn ddilyffethair. Maent hefyd yn trosglwyddo swyddogaethau anneddfwriaethol a deddfwriaethol i Weinidogion Cymru fel yr "awdurdod priodol" mewn perthynas â Chymru. Trosglwyddir nifer o swyddogaethau o'r fath yn ddilyffethair (gweler y priod ddiwygiadau i Reoliadau (EU) 2019/624, 625 a 626 a wneir gan reoliadau 13 i 15). Mae swyddogaethau eraill a roddir i Weinidogion Cymru fel yr "awdurdod priodol" mewn perthynas â Chymru hefyd yn arferadwy gan yr Ysgrifennydd Gwladol gyda chaniatâd Gweinidogion Cymru. Dim ond swyddogaethau sy'n arferadwy mewn meysydd datganoledig (fel y'u pennir drwy gyfeirio at gymhwysedd deddfwriaethol y Senedd) a roddir i Weinidogion Cymru.

Gallai'r swyddogaethau cydredol a nodir yn y Rheoliadau ddwyn y gofynion ynghylch cydsyniad yn Atodlen 7B i Ddeddf Llywodraeth Cymru 2006 i rym ac, felly, gallent gyfyngu ar gymhwysedd y Senedd yn y dyfodol. Mae sicrwydd wedi'i roi gan Ysgrifennydd Gwladol Cymru mewn perthynas â Gorchymyn adran 109 o dan y Ddeddf y caiff Atodlen 7B ei diwygio er mwyn negyddu'r cyfyngiad posibl ar gymhwysedd y Senedd yn y dyfodol.

Diben y diwygiadau

Diben yr offeryn hwn yw gwneud diwygiadau pellach i ddeddfwriaeth uniongyrchol bresennol yr UE a ddargedwir, sy'n rheoli rheolaethau swyddogol, gan gynnwys anifeiliaid a chynhyrchion anifeiliaid, planhigion a chynhyrchion planhigion, gan gynnwys bwyd a mewnfôrion eraill sy'n berthnasol i'r gadwyn bwyd-amaeth, sy'n cael eu mewnfôrïo i Brydain Fawr - a elwir gyda'i gilydd yn archwiliadau iechydol a ffytoiechydol ("SPS").

Cyflawnir rheolaethau swyddogol mewn manau rheoli ar y ffin a ddynodwyd yn briodol a manau cyrraedd eraill, a gellir eu cyflawni mewn lleoliadau eraill hefyd, megis lladd-dai, er mwyn cadarnhau bod nwyddau a fewnfôrïr sy'n ddarostyngedig i reolaethau SPS yn cydymffurfio â Rheoliadau Rheolaethau Swyddogol. Mae'r rheolaethau hyn yn rhan annatod o'r gwaith o ddiogelu iechyd pobl a bioddiogelwch yn y DU, am eu bod yn darparu cyfundrefn benodol sy'n seiliedig ar risg ar gyfer cadarnhau tarddiad ac iechyd nwyddau sy'n ddarostyngedig i reolaethau SPS ac nad ydynt wedi'u halogi cyn caniatáu iddynt fynd y tu hwnt i'r manau rheoli ar ffin y DU.

Cyflawnir rheolaethau swyddogol hefyd mewn sefydliadau perthnasol yn y DU, ar bob cam o'r gwaith o gynhyrchu, prosesu a dosbarthu nwyddau, gwrthrychau a sylweddau ac ati a gwmpesir gan y Rheoliadau Rheolaethau Swyddogol. Mae angen y rheolaethau hyn er mwyn sicrhau cyfanrwydd cadwyn bwyd-amaeth y DU a chynnal lefel uchel o iechyd pobl, anifeiliaid a phlanhigion yn ogystal â lles anifeiliaid ar hyd y gadwyn bwyd-amaeth.

Mae'r offeryn hwn yn cwblhau'r corff o ddiwygiadau i reolaethau swyddogol ac yn ategu'r ddarpariaeth a nodir yn Rheoliadau Rheolaethau Swyddogol (Anifeiliaid a Bwyd Anifeiliaid a Bwyd, Iechyd Planhigion etc.) (Diwygio) (Ymadael â'r UE) 2020, y disgwylir iddi ddod i rym am 11:00 p.m. ar 31 Rhagfyr 2020.

Mae'r offeryn pellach hwn hefyd yn unioni diffygion cyfreithiol sy'n deillio o ymadawiad y Deyrnas Unedig â'r Undeb Ewropeaidd a fyddai'n atal ein system sefydledig a chyson bresennol o reolaethau swyddogol rhag gallu gweithredu'n effeithiol (os o gwbl) ar ddiwedd y cyfnod gweithredu, os na chânt eu diwygio. Fe'u gelwir yn 'ddiwygiadau o ran gweithredadwyedd'.

Mae Rheoliadau 2020 a'r Memorandwm Esboniadol cysylltiedig, sy'n nodi manylion tarddiad, diben ac effaith y diwygiadau, ar gael yn:
<https://www.legislation.gov.uk/uksi/2020/1631/made>

Pam y rhoddwyd caniatâd

Rhoddwyd caniatâd i Lywodraeth y DU wneud y cywiriadau hyn mewn perthynas â Chymru ac ar ei rhan, am resymau effeithlonrwydd a hwylustod ac er mwyn sicrhau bod y llyfr statud yn gyson ac yn gydlynol. Ystyriwyd y diwygiadau hyn yn llawn ac nid oes unrhyw wahaniaethau o ran polisi. Diben y diwygiadau hyn yw sicrhau y bydd y llyfr statud yn parhau'n weithredol ar ddiwedd y cyfnod gweithredu.